



Broj: 11-11-2-4431/25
Sarajevo, 30.12.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovine („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

ODLUKU

o poništenju postupka javne nabavke „Sportska odjeća i obuća – kimono“

I.

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Sportska odjeća i obuća – kimono“, te se isti poništava, u skladu sa odredbama člana 69. stav (1) tačka b) i člana 69. stav (2) tačka d) Zakona o javnim nabavkama.

II.

Za izvršenje odluke zadužuje se Sektor za finansije i javne nabavke Federalne uprave policije.

III.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

IV.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Sportska odjeća i obuća – kimono“, broj Obavještenja o javnoj nabavci: 1412-7-1-367-3-256/25 od 16.12.2025. godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 10.500,00 KM bez PDV.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka ugovornom organu data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinjen odgovarajući zapisnik u kojem je utvrđeno da su blagovremeno zaprimljene dvije (2) ponude, i to od ponuđača „KM Trade“ d.o.o. Visoko i „iManager“ d.o.o. Sarajevo, te da nije bilo neblagovremeno zaprimljenih ponuda.

Uvidom u ponudu ponuđača „KM Trade“ d.o.o. Visoko, utvrđeno je da ista prelazi procijenjenu vrijednost nabavke, te shodno tome ne ulazi u daljnju evaluaciju.

Uvidom u ponudu ponuđača „iManager“ d.o.o., utvrđeno je da u Aneksu II. tačka 2., u tehničkim karakteristikama koje ponuđač nudi, nije navedeno da će isti ponuditi IJF standarde i da ima originalan znak IJF (što je utvrđeno i na dostavljenom uzorku). Tenderskom dokumentacijom je zatraženo i da sirovinski sastav bude 80% pamuk, 20% polyester, 750 gr./m², dok je od strane ponuđača ponuđen sirovinski sastav koji ne odgovara traženom iz tenderske dokumentacije. Također je zatraženo da se uz kimono isporučuje i pojas za kimono koji ispunjava IJF standarde, a uvidom u ponudu i dostavljeni uzorak utvrđeno je da ponuđač nudi pojas za kimono bez dokaza da isti ispunjava IJF standarde.

Shodno navedenom, utvrđeno je da ponude ponuđača ne zadovoljavaju zahtjeve i kriterije iz tenderske dokumentacije, tj. da nijedna nije prihvatljiva, te je data preporuka ugovornom organu da se postupak javne nabavke poništi.

Na osnovu naprijed navedenog, a primjenjujući odredbe člana 69. stav (1) tačka b) i člana 69. stav (2) tačka d) Zakona o javnim nabavkama, odlučeno je kao u dispozitivu Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od pet (5) dana od dana prijema ove Odluke.

V.D. DIREKTOR
(Načelnik SKP-a)
GLAVNI INSPEKTOR

Enes Zeljković

DOSTAVITI:

- Sektor za finansije i javne nabavke,
- Ponuđačima;
- a/a.-